

鴛 湖 唱 和 稿
清 平 閣 倡 和 詩



清
平
閣
倡
和
詩

宋登春等撰

中
華
書
局

清平閣倡和詩

此據畿輔叢書本
影印初編各叢書
僅有此本

清平閣倡和詩一卷

李北山

宋鷺池三先生著

李連山

自楚歸訪李少卿於濮上

鷺池

十載南冠學楚吟
半生蹤跡任浮沈
秋風客路馮驩歛暮
雨山堂叔夜琴
濮上故人聞獨釣
山中叢桂得相尋
歸來不惜黃金盡
易水歌殘壯士心

和

北山

君如王粲客荊州
作賦登樓豈薄遊
橘性已隨淮水變
雁

聲常帶楚雲愁論交四海希青眼采藥三山轉白頭不向
汀蒲尋釣伴更於何地覓丹邱

會臺觀賽

驚池

霸業古臺荒天寒野日黃雞豚秋社酒籬落水雲鄉對舞
青谿女齊歌白石郎家家扶醉去海月照枯桑

和

北山

齊桓無處所霸業有荒臺九月明農畢千秋觀賽來竹枝
歌野調桑落出村醅今古一相笑雄圖安在哉

同宋山人飲會臺莊

子建臺空秋草長北風獵獵振枯桑曾開霸業冠裳會更

結騷人翰墨場當日才名超七步至今花樹挺千章郵侯

一去青山老留取煙霞醉楚狂

春秋齊桓公盟于弭卽此地又爲子建讀書臺

和

驚池

雄圖霸業自消沈舊井荒臺蔓草深遠樹霏微連嶽色高原
蜿蜒帶河陰野塘秋水莊生賦沙苑幽蘭楚客吟當日
牛山空下淚誰知淒斷雍門琴

讀金剛經呈李公印正

藉草坐環堵暫誦金仙辭香雲流戶牖蔬水靜齋廚冥心
契立奧晨暮忘飢飭有爲非妙法無住卽真如河沙喻天
地緣業開羣愚我本素心人擔囊來海隅青蓮李居士而

有維摩姿隨處給孤園印正滅狐疑白首惜歸晚漕溪路
匪迷

和

北山

荆楚有高士久離世網嬰巴童時作禮口誦般若經一誦
暫脫解再誦彌婁清頓令六根洗三藐窺上乘恍若見伽
尼彼岸或可登况值落莫候商飆起林垞冷然無所住心
與秋水澄願言稅塵鞅永矢授無生

自製竹皮冠作

鷺池

睡起筠窗盡日閒兒童拾箨自裁冠楚囚不是山中相且
伴煙霞老巖寒

謝贈

北山

一從解組出金鑾白石山中煉大丹散髮不知搔更短山
人卻贈竹皮冠

冬日飲李公西園

驚池

言訪高人廬聿在古城濮落日銜遠山歸禽集喬木楚童
叩深扉獼兒吠叢竹梅花凍愈馨瑤草寒仍綠前廚辦旨
蓄後庭徵絲肉談詠古交編諸論南華錄達生貴自我君
子知止足

和

北山

至後氣稍煖言訪山中屋柴扉晝常掩小犬聲喔喔黃葉

覆苔階蒼煙散花塢速我好酒伴
滑此慰幽獨臘梅吐新萼
暝雀啁深竹徙倚不知寒
天風在林木

贈宋鷺池

楚人不識玉掉臂下江陵
湖海無名氏乾坤有髮僧
一瓢隨乞食千里獨擔簦
余亦逃禪客相將諦大乘

答贈

鷺池

白首無家別青鞋掉臂行
屠龍空有技歌鳳竟何成
濮上尋眞隱山中問達生
天涯歲欲暮徒結紫蘭情

附嶧山晚眺

側疊石梁傾高原
邾子城幽泉花覆響
秘洞藥長生秋草

秦碑沒白雲漢時平鳥還山欲暝無限旅人情

山中書事寄懷濮陽李北山符卿

秦漢殘書亂不收笑看雙劍倚牀頭
獄雲南度堯山曉海氣西連汶水秋
去楚誰憐和玉泣臥巖無復貫珠求
憑高不盡哀歌斷何處逢人問帝邱

寄答二首

北山

魯甸開仙窟秦碑表鎮山
弄丸成大塊累石結重關
世遠鷗機息雲深鶴夢閒
囊中有靈藥寄我駐顏顏

我憶荊州宋海翁讀書嶧陽古洞中
傲岸君平還棄世顛狂阮籍自高風
眼底閱人爾不少天下論詩誰最工
聞道

山房多麗句何如疎雨滴梧桐

附自嶧山來訪李北山

鷺池

山居亦自好忽動美人思秋水將同賦停雲敢滯期方云
心匪石復念髮成絲蹙膝華軒下一尊共我持

喜宋鷺池至自嶧山見訪

時六月十五日

北山

山中憐獨臥濮上喜相尋咳唾煙霞氣團團明月心別來
兒女長老至鬢毛侵握手炎蒸候清風滿竹林

題仙人白鹿圖爲北山公壽

鷺池

東華仙人跨白鹿手持節旄握寶錄羽扇霞衣風搖搖須
臾萬里何神速韓眾翩翩前致辭青蓮居士六旬六玉娥

鱗次進蟠桃瑤函丹簡紀五福壽筵高張濮水濱華軒樂
奏南薰曲常棣園中慶連枝兒孫膝下走羣玉簪冠道士
捧瓊觴金粟謫仙撫玄鶴醉中同咏五嶽歌爲君起舞情
如何千秋萬歲意不盡門下報恩誰最多座中更有齊貌
辯三言爲主生榮那意氣從來我不少披圖賦詩何草草
待君千歲鍊精魄相隨還訪東華道

和答宋鵞池山人見贈壽詞

北山

老大今年六十六日日搔頭臥空谷看花常與春作伴居
家但願平爲福簪冠道士忽相訪腰繫詩瓢騎白鹿酌我
北斗白玉漿贈我南山紫芝曲嗟嗟歲月苦無多童顏不

駐如我何握手別君忽四載向來憂喜何紛那別日常多
見日少一迴相見一迴老白雲回首似君稀中懷當爲知
者道有子甯論紙筆知無官最愛清貧好飲君酒欲傾倒
銀燭煌煌徹昏曉君家何在青山杳丁令一去人民非澗
畔長松獨矯矯我有東皇太乙圖借君絲筆任揮掃詩成
夜半風雨來庭前處處生芳草

送宋鷺池還趙

燕趙產名士壯遊荆楚西依劉成阻絕御李費攀躋掉背
尋東道看山過別蹊抱璆心自媚完璧手長攜久客身將
老思歸路轉迷劍臨南斗合馬爲北風嘶來自靈巖下因

逢珠樹栖到關占紫氣開卷拂虹霓豈少綈袍贈相留翰
墨題停雲懷故國落日渡清溪人似丁令往秋多蟬蛩啼
家貧憐壁立囊破問詩奚有女難成業無妻更守閨鄉園
惟鳥雀城郭半蒿藜待子莊周夢還應入會稽

將還趙郡留別李北翁

鵞池

挾書出魯關高揖謝名山湖海尋同調煙霞尙在顏才名
元度外辭賦且人間客久囊頻澀秋深鬢益斑白鷗依水
宿鴻鵠倚雲攀自笑身如矢誰知刀有環居將傷歲暮去
不爲途難舊業花三徑新河水一灣首邱狐自戀繞樹烏
空還壁在心猶壯珠投淚欲潛平原不可作肝膽向誰扳

再送宋山人四首

北山

君乘濠濮興北遊燕趙間
燕趙多佳人能不重躋攀
西風吹角巾飄飄望桑梓
舉頭見青山莫道無知己
與君如落葉偶被秋風聚
聚散隨秋風寸心金石固
日歸復日歸十年歸未得
人不生空桑誰不念鄉國

留別再賦四首

鵲池

長揖辭所知去去濮水上
執手兩無言秋風爲惆悵
自識浮生理羞歌行路難
飲君一斗酒醺此百年歡
天地卽蓬廬何人不是客
浮雲本無心遊子念將夕
不佩千金劍不乘五花馬
出祖皆名流結交多長者

附再遊濮上飲李理卿第感今懷昔因而有贈
昔別是何日重來情更親春遊尊尚在夜醉榻猶陳有子
能傳業無金不是貧十年漂泊意老去向誰論

答別宋鷺池山人還趙

連山

鴻鵠奮高舉甯隨燕雀遊狂來雙眼闊老去壯心留落日
淹行騎秋風憶故邱青山看憩跡何處結菟裘

留別李連山三首

鷺池

乞食走他鄉感君重交結欲還故里間戀戀難爲別
蕭蕭古帝邱別君從此去形往心猶留長遶汀蒲樹
因讀古交篇乃知卬成子心喻兩無言今日誰能此

答別三首

連山

平生一片心耿耿不輕許不是爲窮交相逢無一語
爲客青陽暮還家白芷秋君心似秋水無處不悠悠
君已無家別行雲有時返新酒映黃花重來未應晚

中秋三益亭聯句

醉月連宵未解醒

北山

問奇還過子雲亭長松瑟瑟寒逾翠

鶯池

細草菲菲晚更青有客劇談東海若

連山

與君同勒北山

錦相逢况屬中秋節

北山

莫問天涯兩鬢星

鶯池

清平閣倡和詩一卷終